



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՆԱԽԱԳԱՀԻ ՏԵՂԱԿԱԼ

«24» հունիսի 2022թ.

ք. Երևան

ՈՐՈՇՈՒՄ N 53-2022/15-Կ

ՎԱՐՉԱԿԱՆ ՎԱՐՈՒՅԹԸ ԿԱՍԵՑՆԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի նախագահի տեղակալ Ծ. Սողոմոնյանս քննարկելով «ՖՈՈՒՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանի վերաբերյալ վարչական վարույթի նյութերը

ՊԱՐԶԵՑԻ

Հիմք ընդունելով ՀՀ պետական եկամուտների կոմիտեի նախագահի 27.04.2022թ-ի թիվ ԱՀ 80727 հանձնարարագրի հիման վրա «ՖՈՈՒՐԵԻԹՉ» ՍՊԸ-ին /ՀՎՀՀ 03542572/ պատկանող բանկային հաշիվներում առկա դրամական միջոցների վրա արգելանք կիրառելու մասին 28.04.2022թ-ին կայացված թիվ 80727 որոշումը, դրամարկղում առկա կանխիկ դրամական միջոցների վրա արգելանք կիրառելու մասին 13.05.2022թ-ին կայացված թիվ 80727/1 որոշումը, ղեկավարվելով ՀՀ հարկային օրենսգրքի 434-րդ հոդվածի 2-րդ մասով, 13.05.2022թ-ի դրամարկղում առկա կանխիկ դրամական միջոցների գույքագրման, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով 13.05.2022թ-ին փոստային ծառայության միջոցով «ՖՈՈՒՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանին ուղարկվել է Գրություն, որով առաջարկվել է Գրությունը ստանալուց հետո եռօրյա ժամկետում դրամարկղային գրքով /գրքերով/ ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների, ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով, իսկ եթե Գրությունը ստանալու օրվան հաջորդող 3-րդ օրը համընկնում է ոչ աշխատանքային օրվա հետ, ապա ներկայանալ հաջորդող առաջին աշխատանքային օրը: Միաժամանակ նույն Գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու



ՀՀ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Մ. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am

դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

16.05.2022թ-ին «ՖՈՈԻՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանը ստացել է 13.05.2022թ-ի Գրությունը, սակայն չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Համաձայն «Հարկատու 3» ԷԿՀ-ի տվյալների, «ՖՈՈԻՐԵԻԹՉ» ՍՊ ընկերությունը /ՀՎՀՀ 03542572/ 25.04.2016թ-ին ստացել է թիվ 1307 դրամարկղային գիրքը:

Արդյունքում «ՖՈՈԻՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանի /անձնագիր՝ 001604990, տրված՝ 26.05.2015թ-ին 009-ի կողմից, հաշվառման հասցե՝ ք. Երևան, Կենտրոն Տիգրան մեծի փող. 37/14/ կողմից թույլ է տրվել արարք, որը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածի հատկանիշներին:

Նշված դեպքի առթիվ հարուցված վարչական վարույթի շրջանակներում վարչական իրավախախտման վերաբերյալ արձանագրության կազմմանը և նյութերի նախապատրաստմանը մասնակցելու նպատակով՝ «ՖՈՈԻՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանին 30.05.2022 թվականին փոստային ծառայության միջոցով պատշաճ ծանուցում է ուղարկվել, ինչը 10.06.2022թ-ին Վահագն Մնջոյանի կողմից ստացվել է, սակայն վերջինս չի ներկայացրել արձանագրության կազմմանը:

07.06.2022 թվականին ՀՀ ՊԵԿ իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Արտակ Գալստյանի կողմից կազմվել է հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարումը խոչընդոտելու վարչական իրավախախտման գործի վերաբերյալ թիվ 53-2022/15-Ա արձանագրություն:

Թիվ 53-2022/15-Ա արձանագրությունը և վարչական իրավախախտման գործի քննությանը 24.06.2022թ-ին ժամը 09:30-ին մասնակցելու մասին 07.06.2022թ-ին կազմված ծանուցագիրը 10.06.2022թ-ին փոստային առաքանու միջոցով ուղարկվել է Վահագն Մնջոյանին, սակայն 24.06.2022թ-ի դրությամբ ծանուցագիրը ստանալու փաստը հավաստող ապացույց առկա չէ, այսինքն վարչական վարույթի քննության ընթացքում պարզվել է, որ առկա են բավարար հիմքեր «30» մայիսի 2022 թվականին հարուցված վարչական վարույթը կասեցնելու համար:

Հիմք ընդունելով այն հանգամանքը, որ անհնարին է տվյալ վարույթի արդյունքում ակնկալվող վարչական ակտի ընդունումը մինչև այդ ակտի հասցեատիրոջն ի հայտ բերելը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49 հոդվածի 1 մասի «գ» կետով.

ՈՐՈՇԵՑԻ

«ՖՈՈՒՐԵԻԹՉ» ՍՊԸ-ի /ՀՎՀՀ 03542572/ տնօրեն Վահագն Մնջոյանի նկատմամբ հարուցված վարչական վարույթը կասեցնել մինչև կասեցման համար հիմք հանդիսացող հանգամանքի վերանալը:



Օրինակ ստորստորագրել

Կատարող՝ ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժին,
գլխավոր մասնագետ Արտակ Գալստյան
հեռ.010.309191 /91-95/



ՔՅ ՊԵՏԱԿԱՆ
ԵԿԱՄՈՒՏՆԵՐԻ
ԿՈՄԻՏԵ

0015, Երևան, Ա. Խորենացի 3,7 Հեռ. +374 60 84 46 57
Կայք՝ www.petekamutner.am Էլ. փոստ՝ secretariat@petekamutner.am